

嘉筆禾微獻錄

嘉禾徵獻錄

國朝盛楓撰楓字丹山秀水人是書所紀皆明一代

嘉興人物冠以妃主一卷後以職官分紀凡京朝

官二十二卷外吏十八卷世職及死事諸將三卷

附以儒學一卷文苑一卷其子孫不能自為傳者

則以史例附其祖父之下若無事蹟顯著者則備

列其官階遷除而止若人非善類如施鳳來之附

魏忠賢吳昌時之黨周延儒者則僅於目中列其

名而特闕其傳以示戒如史仲彬之類亦間附以

辨證之語其卜大同傳末又附洪武三年給頒戶

帖一道以資考訂敘述亦為詳贍惟其錄名徵獻  
而首冠以妃主殊乖義例又如趙文華傳盛稱其  
平倭功績又於其家祖父各為立傳盛加推挹亦  
不免鄉曲之私也

閣臣

郡人盛楓丹山輯

男支焯校訂

吕原黄樵 樵子中

憲

言子科

程

穆子擇祖

朱國祚父儒子大烈 大猷 大觀

大競

大定

茂暲

大啟子茂昭

茂時

施鳳來

錢士升

遠祖考曾祖貞弟賀

棟

卷

**Abstract**

士晉

子蔡

梅

子默

吾德

子繼振 繼章

繼登

從孫裴

呂原字逢原秀水人父嗣芳字宗遠永樂甲午舉人授山西萬泉教諭兄本以官籍中山西庚子舉人授景州訓導嗣芳桂冠携原隨本之景州與本俱歿焉原童年即博涉經史父兄歿不能歸喪厝於州境奉母南歸未冠著呂子考知府黃懋閱秀水學宮文奇之知為原作召見試其舉業詞理皆勝會晉黌舍恤其貧與以羨材固辭懋益奇之時知府得輒補生員

懋即遣原入學正統辛酉舉浙江鄉試第一明年登  
進士廷對第二授翰林院編修八年與修五倫書十  
二年選用奇才進學東閣侍經筵簡原及裴綸杜寧  
謝璉王玉江淵陳文李紹商輅劉儼十人景泰初元  
遣祭蜀王還充經筵講官辛未進侍講壬申以右春  
坊右中允兼侍講與倪謙教小內官書於文華殿左  
廡尹直謇齋瑣綴錄景泰間選內侍黃賜等七人於  
文華門讀書習字以備用欲取翰林二人教之時  
太監王忱舒良以常從錢原溥學示之意錢不悟王  
舒乃傳命內閣推舉得侍講呂逢原倪克讓以進不  
喻月俱陞侍講學士上一日至廡中命謙講國風原  
時被顧問錢始大海二

講堯典稱旨問二人官並以中允兼侍講對上又問  
中允侍講官品二人對曰皆正六品上曰品同安得  
相兼令左右取官制再三覽顧二人曰進汝二人講  
讀學士兼中允二人頓首謝他日上再至二人遷坐  
傍壁下上問故二人對言君父嘗臨坐臣子避不敢  
當上喜二人謹慎後至館輒立語或東西行不復坐  
癸酉與修歷代君鑒錄主順天鄉試乙亥與修寰宇  
通志書成進右春坊大學士天順元年丁丑改通政  
司左叅議仍兼侍講項綴錄天順初以景泰易儲凡  
翰林帶東宮官銜者皆列別職

改李克述林恒簡黃廷臣尚寶卿劉主靜倪克讓呂  
逢原通政叅議錢原溥尚寶少卿俱舉翰林講讀以  
下官仍與薛瑄主會試以鳳洲雜編天順丁丑薛文清  
供舊職與薛瑄主會試以鳳洲雜編天順丁丑薛文清  
為主考同考則尚寶少卿錢溥司丞李泰翰林典籍  
李泌是科最號嚴整然外人以詩戲之如所謂薛瑄  
性理難包括錢溥春秋沒主張問仁既已無顏子告  
祭如何有大王皆指摘題目之誤至謂總兵令姪獨  
軒昂蓋取石會徐有貞李賢下獄召入內閣知制誥  
亨從子後也時年四十二尋陞翰林學士曹石寵用甚敬憚原原  
朝會永青袍亨笑曰行為先生易緋原不答有投匿  
名書指斥曹石奸狀者上聞欲募能捕者賞以三品  
官令岳正撰榜原與正諫曰為政有體盜賊責兵部



姦究責法司無天子自出榜購募理遂寢未幾正暨  
原亦列上曹石罪狀疏留中曹石大恐遂共摘承天  
門灾詔中語謂閣臣謗訕上大怒坐便殿召對近臣  
厲聲曰正大膽敢爾原素謹厚左右正何也正罷去  
原得留以武英殿大學士與李賢同直內閣賢見事  
立斷原守正濟以持重會彭時亦入三人相得甚歡  
庶政稱理戊寅修大明一統志充總裁賜金綺金帶  
玉盃等物己卯七月及李賢陪幸南城侍曲譙庚辰  
再主會試鳳洲雜編是科有下第舉人訴學士呂原  
中允柯潛徇私顛倒者上試之不稱囊三

木禮部尋以母憂去道出景州啟父兄窆歸葬舟中

以荀寢苦枕塊抵家未及窆而卒年四十五贈禮部右侍

郎賜祭葬謚文懿原在內閣四年端潔不苟取予性

儉約身無紃綺篋中惟賜衣幾襲祿入贏羨分贍宗

姻清心寡欲稠第無隱過有介菴集十二卷李紹文

新語呂文懿好著書嘗考一事不獲不擇者累昕夕

一且得之謂門人曰進我二階殊不若得此可喜

又有通鑑綱目續編考正行世李達賢作公神道

其居稱呂家府按郡邑選舉志呂氏在宋有名諤者

天禧乙未登第其弟詢天聖甲子鄉舉評景祐甲戌

進士其貫開封者全嘉祐丁酉鄉舉公美第熙寧庚

戊奎第熙寧癸丑而元祐榜眼曰益柔紹聖甲戌有

卷一

桓崇寧丙戌有少蒙紹興庚辰有篆隆興癸未有一旦  
端平乙未有一重庚寶祐癸丑有翔龍以布衣被召賜  
第者又○黃懋字子勉元氏人永樂乙未進士正統  
有元亮○黃懋字子勉元氏人永樂乙未進士正統  
中知嘉興府剛方廉正奏築捍海塘重修澈乍二浦  
城累遷福建布政使致仕歸永民攀轅不忍其去懋  
亦樂禾之風土奏請入籍卒於禾葬春波門外務前  
橋北土人稱黃家墳者是也子中以嘉興籍中成化  
辛卯鄉試顧中孚字伯誠嘉靖丙戌進士為浙江布  
政司參議亦籍秀水孫令德中萬曆戊子  
應天舉人令德之子  
之璿萬曆丙午舉人

憲字秉之原子生而穎秀書過目成誦原卒後英

廟念輔導功推蔭補國子生時年十五成化丙戌召  
入供事翰林明年授中書舍人辛卯疏請解職應順  
天鄉試上特允其請舍人得赴試自憲始是年中式  
滿九載考遷主客員外郎尋進郎中琉球乞每歲入  
貢謂子之事父定省不可間其意實利賈市廷議難  
之而無辭以拒憲請折以若知父子之禮當從父命  
衆服其言番僧乞由漳州海道歸國憲曰西僧貢有  
常道更之恐啟他釁遂寢其奏丙午薦擢南太僕少  
卿故事太僕馬數不令他官知文籍寢以磨滅憲請

三年一校勘從之弘治癸丑改南右通政轉左丙辰  
進南太常卿上言先年帝王廟火燬石磬十有六銅  
鐘十有二存者銅編鐘五口年久聲損乞改造報可  
孝廟欲廣聰明於言官多所獎借淺躁者橫不自制  
公卿多折節下之憲遇之如恒禮於是相率論其冒  
進乞致仕不允疏請其子入國學庚申以母憂解官  
癸亥再補南太常卿以祀事多更張卷牘牴牾乃采  
輯累朝沿革故事為條例事至按而行之王世貞言  
閣而階不過五品憲為正卿在正德丁卯致仕卒年  
子官過於所由亦一代異數

六十三

橫雲山人明史稿附原傳

憲丰儀醞藉廉而不矯喜讀書

幼從天

台謝鐸學詩鐸亟稱之

雷禮列卿紀黃巖謝鳴治鐸有詩名憲就

學焉謝嘗謂楊一清憲雖少其詩沉渾醞藉非時輩所及為文章務學左傳史記唐宋諸大家弗屑也

更留心國事特以久官閒局政事為文學所掩蔣一

山堂外紀中山武寧王玄孫徐某一日與吳小仙孫院使宴飲命吳畫女樂及孫吳陪飲之圖畫畢徐喜

曰惜欠風流題客過日太常卿呂憲見而題歌一篇首曰吳生畫手稱奇絕老我措大能評之麗人舊讀

少陵作此樂獨謂君侯宜徐曰不必諛我但要寫當日實事耳呂然後鋪敘家樂援引典故末云吳生吳

生欲闡揚自畫白哲居侯旁如何更著孫思邈中酒却要千金方徐大笑曰是日果中酒也湖廣通志

吳偉字次翁江夏人善繪畫成化間成國著九柏山公某廷至幕下以小仙呼之因以為號

房存稿

見明史藝文志六卷

靜志居詩話太常詩

以任子視之是時詩派方習為纖麗圓子言

熟太常獨好盤硬語宜其傲睨一世也

言字伯時以憲蔭授太平府通判賢錄太祖起兵

鳳陽瑛與太平諸郡接詔減諸郡田租之半令戶飼

馬官就閱其駒歲歲上之其後諸郡民日貧飼馬

多死率購他郡駒閱之官索賂不得斥弗遣而北

都遠數千里以駒就閱比至則因僊不任用以故太

平民匿竄北地願駒馬言疏請使民遷應天府治中江

歲輸銀就北地購之官民兩利

右飢民流入南畿承檄賑活數萬人瘞死者亦萬計

所至未嘗以家自隨服用纖悉不取於官

太平府志

鑑類函言歷任八年數日才一舉肉弗飽也中丞大

僚呼斥郡吏見言入肅然起曰廉判來矣言又好議

天下事若闊遠無近功人咸謂京兆君迂言亦自安其迂弗較也終左府經歷子科

字繼元嘉靖丁酉舉人年近九十猶與海鹽王文祿

同上公車士大夫目曰南宮二老

見沈德符萬曆野獲編

程字宗洛父交諸生程中嘉靖癸卯應天鄉試癸

丑與從弟穆同榜中式授懷慶府推官三日解綬歸

學者稱為南川先生

見兩浙名賢錄

穆字宗文號宇岡父處不仕穆從都御史唐順之

游傳其學舉嘉靖癸卯經魁癸丑進士知邳州丁外

艱起補壽州擢工部員外郎督建三殿工嚴嵩用事



歸隱白苧鄉著書講學遠方士多師之

朱彝尊經義考有書經講

意為穆

子懌祖彭山縣丞懌祖卒子孫遂微有裔孫

黃鼎

順治庚子舉人雍正壬子有璋

朱國祚字兆隆號養淳秀水人父儒字宗魯號東山

幼孤貧浮屠石溪楊姓教以醫術游京師有友朱恭

時為太醫院判引為族屬遂究其技敘授太醫院醫

士由吏目供事聖濟殿遷院判一年進院使神廟疾

召診奏對稱旨疾愈賜宴醫院故有志儒修之卒官

年七十七

兩浙名賢錄稱其在公卿間論病議方外語不及私即盃酒相洽益恂恂自飭每里

中子入都儒戀戀桑梓客  
死者輒經紀其喪歸之國祚少隨父京邸就學內

閣申時行宅年二十三以太醫籍中萬厯壬午順天

鄉試癸未登進士廷試第一狀元考萬厯癸未廷試

擢朱國祚第一公父精岐黃為太醫院使活人甚多

嘗赴通州試後友人載酒邊公飲於舟舟至張家

灣同登岸拉入酒肆有婦靚妝公知為妓急出門徒

步二十餘里至通州寓鄉舉時紫芝產於庭嘗夢有

雙頭人騎馬而前公以為怪急策已所乘馬更前之

是科後公一步者李廷機也李鄉會皆元應雙頭之

兆更前之者授翰林院修撰因災異請罷開礦撤稅

公登狀元也授翰林院修撰因災異請罷開礦撤稅

使不報尋知起居注充日講官纂修孝宗實錄己丑

充會試同考冊封衡藩卒卯出典江西鄉試還丁父

憂服除轉司經局洗馬皇子出閣為講官遷右春坊  
右諭德兼侍講日本平秀吉破朝鮮自稱大閣王改  
元文祿兵部尚書石星惑沈惟敬言請封秀吉為王  
御史曹學程爭之下獄國祚反覆申救進右庶子丁  
酉典應天鄉試周暉金陵瑣事萬曆丁酉科主試朱中允所定禦倭一策與河遷禮部右侍郎兼侍讀學  
南試錄雷同二公俱罰俸士尚書余繼登卒攝部事天津河御用少監馬堂解  
進大西洋利瑪竇貢物并行李疏糾之云查會典止  
有西洋瑣里國無大西洋其真偽不可知又寄住二

十年方行進貢與遠方慕義獻琛者不同且其所貢  
天主天主母圖既屬不經而隨身行李有神仙骨等  
物夫既稱神仙安得有骨唐韓愈所謂凶穢之餘不  
宜令入宮禁者也乞量給所進行李價值速令回還  
不報辛丑知貢舉時東朝未建錦衣鄭國泰倚貴妃  
寵請先冠婚後冊立國祚抗疏言本朝外戚不得與  
政事冊立大典非國泰所宜言况先冊立後冠婚其  
儀仗冠服之制祝醮敕戒之辭升降坐立之位朝賀  
拜舞之節因名制分因分制禮甚嚴且辨一失其序

名分大乖違累朝祖制啟國家無窮患皆此言也又  
言冊立之事初謂小臣激聒故遲之後羣臣勿言則  
曰待嫡及中宮久無所出則曰皇長子體弱須其強  
今又待兩宮落成矣自三殿灾朝廷大政令率御文  
華殿三禮之行在殿不在宮頃歲趣辦珠寶戶部所  
進視陛下大婚數倍遠近疑陛下借典禮之將舉以  
羅珠寶借珠寶之未備以遲典禮且詔旨採辦珠寶  
額二千四百萬而天下賦稅之額乃止四百萬即不  
充國用不給邊需猶當六年乃足必待取盈而後舉

大禮幾無時矣又言太祖成祖仁宗即位即建儲貳  
宣宗朝英宗以二歲而為皇太子憲宗孝宗止六歲  
陛下亦以六歲未聞年十九而不冊立者攝尚書事  
近二年爭國本至數十疏一夕詔召國祚甚急至宮  
門傳旨冊立皇太子倉卒奉上諭而儀注豫定鉅典  
遂行陝西狄道山崩其南湧小山五疏請修省社稷  
壇枯樹生烟復陳安人心收人望通人情清濫獄四  
事雲南巡撫陳用賓於貢額外附進方物劾却之用  
賓果以墨敗轉本部左侍郎仍兼侍讀學士以冊立

禮成進太子賓客不拜尋改吏部右侍郎御史湯兆  
京劾其縱酒踰檢上不問時入閣之命將下旨輔沈  
一貫尼之竟不行遂引疾歸谷應泰明史紀事二十  
已點朱國祚馮琦而沈一貫密揭二臣年未及  
父易少需之先爰立老成者遂用沈鯉朱賡家居  
者十八年  
李樂見聞雜記朱公養淳為人平易兩公  
損與店家嘆開適朱公乘軒而過小戶泣訴公為  
輜命僕呼張蓋二人并持竹篋來稠人中各責三十  
慰小戶人而去當此季世宦家欲大  
求如朱公者其千萬人之英傑乎  
光廟立以講幄  
舊臣起南禮部尚書不半月召入東閣光廟崩熹廟  
即位遣行人袁宏勲敦促受事同知經筵監修神光

二廟實錄都御史鄒元標侍經筵而躋上疑其慢國  
祚進曰元標昔年建言受杖故步履獨艱上意解兩  
朝升祔加太子太保進文淵閣給事中朱欽相倪思  
輝御史王心一劾奉聖夫人客氏有旨逮治疏救三  
人得外謫壬戌主會試明史稿故事總裁止用內閣  
有譏其中旨特用者國祚一人是科用何宗彥及國祚  
朱茂陽闡德錄壬戌殿試文恪得陳公仁錫卷已  
擬作第三人故事臚唱日首甲三卷讀卷官例於上  
前朗誦數行乃已然必以次文恪次第三孫高陽執  
陳卷向文恪曰此卷與行幾不能句公於上前得無  
獨當其難否文恪曰愛其閑覽博物不忍棄也越日  
給事侯公震陽流參諸輔未及主試一事文恪即引  
嫌歸寓而福唐諸公亦以人言出高陽適讀第三人  
卷一



卷相見時說以為異陳公仁錫丁酉南場文恪所取  
士也八上公車不第辛酉北行夢一人謂曰爾遇舊  
師即大魁矣至都以文恪代顧與隨州分闈闈卷陳以  
不得志至期上以文恪之前列是年宗室朱慎荃登進  
易經為文恪所符置之前焉  
廷對拔作第三人符前夢焉  
士前此未之有也國祚請依常選法以為例纂修玉  
牒成加少保仍兼太子太保改戶部尚書進武英殿  
大學士得官戶部後雖巡撫銜亦避之惟內閣學士  
不論如永嘉黃公准廬陵陳公循淳安商公輅長洲  
王公鏊餘姚謝公遷慈谿袁公燁吾郡申公時行鄞  
縣余公有丁是也又吾郡滕思勉顧禮衢州徐恢皆  
實拜戶部蓋洪武中未定之制焯按奔州此條但言  
禁蘇松二郡人而所援引內閣諸公則浙江江西均  
在其內似未明晰但考之吾郡尚侍郎之官戶部

者絕無其人信浙江之亦在劍禁中也文恪以郡  
人兼戶部則與永嘉餘姚淳安慈谿同為閭學耳  
部尚書王紀為魏忠賢所逐具疏力爭禮部郎嘗以  
事件國不報嘆曰去一大臣如小吏漸不可為矣  
東林列傳主事徐大化日走魏忠賢門構陷善類  
顯劾給事中周朝瑞惠世揚紀憤甚劾大化弱職狀  
因言大化誠為朝廷擊奸則今之大臣有巧能移奪  
人主之視聽力能顛倒天下之是非結交權璫誅  
善類如宋蔡京者何不登之彈文而乃曰與端人正  
士相尋水火蓋指大學士沈淮也大化由此罷去  
及忠賢深憾之御史楊維垣疏令指名紀遂直攻淮  
客魏聞之為淮泣懇帝前會佟卜年劉一璠下獄紀  
不附和淮遂劾請告積十三疏乃允加少傅兼太子  
紀二大罪削籍

太傅馬驛歸賜坐蟒以寵其行歸浹歲一夕端坐卒

年六十六闡德錄文恪謝政歸舟次潤州謂所親曰  
吾族世業農東山公夢日落其懷郁公蘭  
解之曰此近君象也勸入都時余年尚幼又早失母  
寄居俸祿家一日同舅氏至城舟中皆農具又  
置禁泊舟城下余獨坐舟中頗惶懼一老人過余言  
曰孺子亦坐此舟中耶余愕然兩載奉東山公命附  
舟入都余從舟尾浴失足墮水去事聞賜祭葬贈太  
而數里河有神掖之置於上乃去事聞賜祭葬贈太  
傳謚文恪有明史稿有介石齋集二十卷見明六子長

大競後見次大烈字君揚萬歷丙午副榜任前府都事

歷後府經歷太僕丞營繕主事權闕荊州卒次大猷

字君升號廣何萬歷壬子舉人闡德錄廣何公倡掩

必以身歷雖風雨勿憚以次大觀字君顯任左府都

陰功舉於鄉有先兆焉

事歷後府經歷營繕主事南屯田員外郎虞衡郎中  
出知思恩府卒官次大治任不仕次大定見後

大競字君籲任都察院照磨歷都事都御史鄒元  
標馮從吾建首善書院大競與御史周宗建協力營  
造改後府都事陞太僕寺丞營繕主事丁父憂魏忠  
賢以殿工未竣羅織不附己者坐贓鉅萬御史梁夢  
環阿其意章劾數十人誣大競協理馬政邊餉虧額  
將逮獄上章自理得釋補原官居京師善測北地陰  
晴一日市葦席千條鏟帚各數百夜半雨霰交集八

門守者皆譁獨西直掃除蓋蔽宴如也轉員外郎出  
知楚雄府招流民平穀價恤獄囚時鎮將倖功每蠻  
童焚婦迷道被擒輒指為間諜上之郡無得生者大  
競廉其枉嚴禁之在事八月丁母憂歸百姓爭賦歌  
詩以述德取陸績故事繪圖題曰營林石

大定字君永任中書舍人以天下多故乞外職自  
效改成都府通判獻賊犯蜀探甲坐睥睨間計斬豪  
帥賊解圍遁未幾大至戰於沙河鋪陣斬三十餘級  
生擒七人遷本府同知國破歸與同郡諭德屠象美

等閉城拒守城陷走江東魯藩監國授尚寶御防江  
逾年力屈死

茂暉字子莊大治子幼即有聲文壇年十九中崇  
禎丙子舉人庚辰進士知宜春縣壬午充本省同考  
甫出棘獻賊陷長沙馳歸防守邏得奸細宋子鳳斬  
之又誅大盜蔡全六等賊漸逼乞師巡撫郭都賢會  
都賢去位師未及至城破被論總督袁繼咸疏論殺  
賊功乞棄瑕錄用不許南臺建召為職方主事不赴  
卒年二十九

大啟字君興號廣原國祚兄國禎子初為順天府  
諸生坐冒籍革歸本貫年四十五始中萬曆己酉舉  
人庚戌進士授南昌府推官壬子充本省同考乙卯  
又充廣東同考南昌民周益為染工其妻與傭者奸  
共謀殺益埋屍室中而逸一犬獨留啟以他事出犬  
銜導吏衣驅之不去乃命隨犬行至空室中犬刨地  
不止掘之得屍拘隣人驗訊捕之伏法擢驗封主事  
歷考功文選遷考功員外乞假歸起考功郎中進文  
選逆閹魏忠賢勢方張以國祚喪引假歸

靜志居詩話東漢風

俗之厚期功之喪咸得棄官持服如賈逵以祖父喪  
戴封以伯父西鄂長楊弼以伯母繁陽令楊君以叔  
父上虞長度尚從父渤海王郎中劉衡以兄思善  
侯相楊著以從兄太常丞譙玄槐里令以弟廣平令  
仲定以姊王純以妹馬融以兄子皆以憂去官輕率  
至晉而嵇紹拜徐州刺史以長子喪去職陶潛以程  
氏妹喪自免作歸去來辭自是而後古之道莫之行  
也先伯祖掌東曹聞先文恪公訃請於朝乞歸持服  
德陵允焉當時典禮者亦不以為過國史所當附書  
於禮志者此事尚未百年今則父母之喪有不去其  
官者崇禎戊辰擢太常少卿提督四譯館祭告嶽瀆  
道遷太僕卿敕往江西催餉復命乞假起大理卿甲  
戌充讀卷官改刑部右侍郎山西學臣袁繼成公廉  
有名巡按御史張孫振誣劾逮詔獄廷雪其冤署本



部事轉左丁丑告歸壬午卒年七十八贈刑部尚書

予祭葬有曼寄軒集長子茂時後見次茂昭南都察院

照磨靜志居詩話先叔柳下和光長卿善病營宅於

鄧尉真如寺西夾岸紫藤萬條寒玉當春梅放不減

世父鶴洲不遠游者比之何家大小山云

茂時字子葵號葵石任國子典簿遷順天府通判

都水主事歷本司郎中督張秋河道東警告急自臨

清關入東昌界城中無兵料公私丁壯乘城大雪與

通判李國瑞出戰俘獲周大功等五人解圍去尋遷

知貴陽府時安酋未靖總督李若星檄令帥師進勦

斬級五十餘生擒賊黨阿烏糴等加服俸丁父憂歸  
國破不仕卒年八十九家居築園池名曰鶴洲勝槩  
甲於一郡靜志居詩話城南放鶴洲相傳為唐相裴  
休流寓吳下至元嘉禾志弘正間儀真柳玟府志萊  
陽於鳳皆補志亦未之載或曰南渡初禮部郎中朱  
敦儒營之為野洲名乃其所題雖不見他志觀樵歌  
一篇多在吾鄉所作此說近是世父拓地百畝自湖  
之田有堂有亭有橋有船有岡有榭有庖有漏榭樹  
花果瓜疇芋區菜圃靡不有陳少詹懿曲為作記董  
尚書其昌為書扁額李少卿日華為寫圖後先觴詠  
者題壁淋漓今則大樹飄零高臺蕪沒止存卧柳幽  
已橋而

施鳳來

錢士升字抑之號御冷一號塞菴嘉善人其先吳越武肅

王後元至正間遠祖國馮為嘉興鎮守萬戶家焉再

傳名瓊徙魏塘瓊孫萼精於醫著醫林會海四十卷

萼生昞昞生貞士升曾祖也以選貢中嘉靖丁酉應

天鄉試知尤溪縣遷撫州通判終汝寧府同知貞弟

賀官撫州府學訓導士升少受業顧憲成時從憲成

及高攀龍會講東林書院累舉不第許重熙作公年譜祖名吾仁諸

生入太學父繼科鴻臚丞公生萬厯乙亥年十一即

游顧端文憲成之門十四學使蘇紫溪濬以第一人  
補郡庠二十三學使伍寧方表萃以第一人貢諸朝  
二十四憲成弟允成延之家塾按許曾撰五陵注畧

為誠意伯劉孔昭參論者萬厯乙卯始中順天鄉試丙辰登進士

廷試第一授翰林院修撰己未充會試同考天啟初

衆正盈廷獨請終養甲子即家進中允不赴已而魏

大中趙南星俱被難識者服其先見年譜璫餼鴟張

南右布政方提問又列公名於東林同志錄屹不為

動魏忠節被逮公奔走救護捐金錢為首倡萬忠貞

爆死杖追賊貽書南昌守彭公期生代為措置趙忠

毅提問當事按驗甚急并及其子清衡外孫王鍾龐

以千秋義問卒得蔡保護力崇禎戊辰起少詹事

掌南翰林院明年以詹事召會座主錢龍錫被逮送

之河干即謝病歸辛未起南禮部右侍郎舊例禮部

各官茶菜俱教坊諸院攢應升嚴絕之祭告鳳陽陵  
寢目擊流亡疏請軫恤六年九月召拜禮部尚書兼  
東閣大學士明史稿初錢龍錫出獄周延儒詣之極  
言上怒甚輒救殊艱未幾溫體仁至龍錫  
錫述延儒語且謝曰非公等安得生體仁作曰上固  
不其怒也聞者直體仁而惡延儒士升本出龍錫門  
自是歸心體仁體仁因引黨唐世濟以士升東林所附  
體仁急收之體仁未至帝復用王應熊何吾驥亦體  
達伴食而已士升未至帝復用王應熊何吾驥亦體  
仁所引權盡歸體仁帝操切體仁以刻薄佐之士升  
頗以為非時國事日非升在內閣扼腕而已丙子請告不  
許上疏云臣聞帝王之道寬則得衆寬非一切縱舍  
之謂也不剛不柔從容以和使羣生庶類蕩蕩乎游

於範圍而無有怵迫之謂今操切近於求濕摘抉幾  
於察淵無乃不寬歟夫五刑五罰有虞不廢而罪疑  
惟輕斯帝德所以稱罔愆也且法不期輕重期於服  
人固有蒲鞭示辱而人服者亦有殊死門誅而人不  
服者道德經曰民不畏死奈何以死懼之我太祖高  
皇帝感其言為御製註序則重法不足恃以制治而  
嚴不如寬明矣臣聞南面臨民道在敬簡敬則不偷  
簡則不擾孟子曰知者無不知也當務之為急仁者  
無不愛也急親賢之為務我皇上勤政卹民宵衣旰

食居敬可謂至矣乃簿書案牘之勾稽諺誕猥雜之  
批答無乃不簡歟夫堯何嘗不兢業而稱無為而治  
者必歸焉若刺閨投籤太細似吏而終不收勵精之  
效則行簡與叢脞相去遠矣孔子繫成曰天下何思  
何慮而以不逆詐不億不信抑亦先覺為賢蓋止水  
可以鑑鬚眉空谷可以傳萬籟人心惟虛而後能靜  
靜而後能慮若意必一起疑猜橫生將使懷誠者畏  
嫌而自阻巧遜者乘隙以相蒙心思愈勞欺弊轉甚  
我太祖高皇帝諭朱善曰萬事不可以耳目察惟虛

心以應之多方不可以智力服惟誠心以待之又諭  
陳宗順曰人之信疑皆出於心信心常出於忠厚疑  
心必起於偏私因命諸臣撰疑信論以進我皇上天  
聰天明同符聖祖靜觀坐照自無遁情又何欺蒙之  
足慮乎洪範曰王道平平平之一言深可玩味今有  
器於此置之平則安歆則必傾有舟於此操之平則  
穩仄則必覆治天下莫患於不平不平之患非必其  
極重也即矯枉稍過而所矯之處還為不平之端如  
秦亡於孤立漢矯之封三庶孽平天下而卒釀七國



之憂宋亂於熙豐之新法元祐矯之并雇役自首之法俱罷而竟成紹聖之禍向使損益適中末流必不至此是以善醫者投一藥恐發一病善治者救一弊恐伏一機因勢而導去甚而止今親疎貴賤用舍進退之間矯枉似已甚矣以皇上手握河魁操縱不測可無過計然不可不防其漸也因作四箴以獻一曰寬以御衆如天之覆賢愚并包功過在宥大絃無急六轡無驟不競不絀世躋仁壽蕩蕩巍巍大哉我后一日簡以臨下若網在綱要領獨挈條目畢張無為

守正垂拱明堂執要則逸好詳則荒程書衡石徒敝  
章光一日虛以宅心如鑑斯空妍媸好醜畢獻形容  
寂然不動感而遂通以意索照億逆填胸隣鈇市虎  
載鬼張弓一日平以出政如衡之準輕重無觚哀益  
必允舜貴執中孔戒已甚救敝矯偏參調詳審畏卒  
怖始罔或不凜上優旨報聞意殊不憚無何武生李  
璉請括江南富戶充餉升謂於國體有礙擬下法司  
究治上不許發改擬首輔溫體仁遂輕擬以進升乃  
上言流寇所在蹂躪皇上憫民生懲吏治因陳啟新

言事擢置省闈比來借端倖進者寔繁有徒然未有  
誕肆如璉者其曰縉紳豪右家大者千百萬中者百  
十萬以萬計者不可枚舉臣不知其所指何在就江  
南論之富家數畝以對大率以百計者什六七千計  
者什三四萬計者千百中一二耳乃動稱敵國之富  
何誕妄也且郡邑有富家亦小民之利貧者佃富家  
田因收其餘養八口穡事興富家貸母錢而商賈亦  
以質庫應民急且富家養生送死賓客游觀百工力  
役皆仰給焉富家固貧民衣食源也地方水旱有司

令出錢粟均糴濟飢寇警令助城堡捍禦富家未嘗  
無補於國家周禮荒政十二保富居一今以兵荒故  
罪富家朘削議括其財而籍沒之此秦皇不行於巴  
清漢武不行於卜式者而欲行於聖明之世乎今秦  
晉楚豫江北已無寧宇獨江南數郡稍安此議一倡  
無賴亡命率與富家為難縉紳豪右富商大賈盡化  
為窮氓不驅天下為流寇不止或疑此輩乃流賊心  
腹倡橫議搖人心非直借端倖進望皇上亟賜屏絕  
毋使小人因啟新之進以言利窺朝廷疏入璫已下

法司提問翌日乃降旨責升美上且詰曰即欲沽名

前疏已足毋庸汲汲蓋指前四箴疏也士升引罪乞

休許之本集疏跋疏具首揆聞之延余至中堂驚問

四箴疏已無所不該奉有溫旨此疏疑屬可已余曰

此雖一事關國家元氣不小首揆云聖明必不行余

曰固知未允行然吾輩須防微杜漸首揆復指秦

皇漢武二語太懣余曰血心已發不可復遏得罪譴

斥亦所甘心首揆知余意不可回拱手而別疏上璉

本批紅余疏發票同下首揆偕同官至余寓喜色相

告曰老先生之言行矣余瞿然曰聖斷先定多此御

一番執事俟入直當具揭請罪至午御批切責御

史詹應選請留輔臣以崇國體上愈怒削應選籍南

都建以舊輔存問加太子太保國初卒於家有傳

明史

著賜餘堂集表忠記

二卷見明史藝文志

易揆

經義考易等書

焯按錢公訂刊遜國逸書內

有

膝錄

從亡隨筆致身

錄完報錄俱係萬厯季年始見之書從亡致身俱經

前人指駁

子格次棟

後格後更名棡字去非崇禎庚

未堪傳信

子格次棟

後格後更名棡字去非崇禎庚

午舉人

早卒棡子燾任中書舍人甲申後不復出

棟字仲馭崇禎丙子舉人丁丑進士授南職方主

事轉本司郎中調南文選出為廣東鹽法水利僉事

兄棡歿疏請終養不赴國初沈淵死都失守義旗

雲起皆潰仲馭知事不可為與三吳志士將入新安

抵震澤泊舟市上為大兵所乘遂自沉震澤之晉濟

寺前小僮秋識者憐之

烟亦死之

數嘉善錢氏撫軍相國二房

卷一

聯華接武相國有仲馭撫軍有彥林  
後先以死勤事賢子弟固自難得

士晉字康侯號昭自萬厯庚子舉人癸丑進士授

刑部福建司主事

吳應箕判復錄崇禎己巳京察刑部河南司主事沈德先坐與吳中

彥同為劉廷元門客

岳駿聲勞永嘉爪牙戚張差

一事刑部主事錢士晉

不肯署名風癲了已內察必

欲害之賴其兄士恤

刑畿內厯本部廣西司員外出

升願以身代始免

知大名府與所部詞臣魏廣微情款不洽尋以副使

監遼陽軍加山東叅政兼總遼餉淮漕事駐札天津

衛舊時饋餉悉從陸運車牛之費不貲晉議從天津

海道舟運嚴覈關門內外兵區為三番更迭往來省

費十之五凡三年中運闕三百四十萬石有奇島餉  
三十二萬石布械火器稱是津素沔下乃建廩困於  
高阜粟麥無浥爛之虞遷河南布政使未赴而魏忠  
賢私人田爾耕為錦衣使其黨陳雲漢怙勢不法晉  
縛而笞之爾耕怒適廣微以附璫入相矯旨逮其天  
津帳下裨將數十人汪文言下獄辭連士晉擬戍剝  
錄天啟五年四月許顯純打問汪文言許念敬文言  
招出趙南星鄧濂毛士龍王之案錢士晉等天啟六  
年八月原任河南布政使錢士晉遣戍崇禎元年起山西右布政改山  
東督七省漕運白糧民戶領解苦漕綱凌壓晉令漕



白銜尾而進失風者通幫攤補民賴以甦癸酉擢右  
僉都御史巡撫雲南士晉已病不能親庶事部民訐  
其貪肆時士升尚未去位溫體仁已與之左密擬嚴  
旨以進命下而士晉卒事乃已子梅後見次蔡字仲芳  
崇禎壬午順天經魁著讀易緒言

梅字彥林崇禎癸酉經魁南臺建授職方主事進

郎中國破後為吳勝兆

一作兆勝

獄與總兵張名相太僕

卿崇明沈廷揚同被戮妻徐投淵死有白門集

靜志居詩

話俞右吉云彥林貴公子性好結客復社未舉之先  
吳有應社彥林實倡之平生與卧子交最深卒同其

禍仲子不識女壻夏存古咸有神童之目存古年  
十七慷慨就死與婦翁白首同歸尤世所難也子  
默字不識崇禎壬午舉人癸未進士授光澤知縣調  
繁嘉定鼎革後不知所終或言其為僧名成回字霜  
華卒於越之顯聖寺

吾德字湛如號明吾父賢士升曾祖貞弟也吾德

隆慶庚午舉人乞恩歸安教諭陞知遷安縣丁憂補

泰寧縣加意學校

福建省志稱其負聲詞場加意庠序士民立祠祀之

有餉茗

者實以金覺而還之地產斷腸草民有闢憤輒食之  
死則訐訟不已乃下令贖醵悉以斷腸草代不一月

根芟盡絕遷知寧州戊申大水矯檄發賑上官亦不  
之罪乞休歸年八十一而卒子繼登後見次繼振鄉貢  
次繼章字爾斐崇禎丙子舉人

繼登字爾先號龍門萬厯乙卯舉人丙辰進士釋  
褐刑部主事陞貴州司郎中出知饒州府遷江西副  
使丁憂起江西糧運副使歷蘇松兵備坐事落職謫  
戍建陽壬午吏部尚書鄭三俊薦起補山西僉事入  
南臺建召為光祿少卿出理兩淮鹽法兼督江防兼  
右僉都御史命下而南都陷不赴歸康熙壬子歲乃

卒年七十九有壑專堂集東臯問耕錄易窺經義考  
作易纂  
卷三孫武子繹南華拈笑經世環應編行世從孫裴崇  
禎壬午本省經魁

嘉禾徵獻錄卷二

吏部

郡人盛楓丹山輯

男支焯校訂

陸

銀祖宗秀父珪珪弟獻瑜瑾珪子鏡

杰子光弼在前在廷

鏊弟鏊

杲

子光裕先宅

先祖

子基忠基恕基志孫麟

光祚

嗣父聚子基誠

錫恩

澄原

弟澄原

清原

夢韓

錫明

曾祖樂

溥

父鋼子橋東

燦

父應

陸鉉字克潛平湖人祖宗秀唐宣公贊之裔永樂甲

辰以賢良徵至京會仁廟御極宗秀入見奏對稱旨

賜寶鈔銀幣正統中出粟麥助賑表其門縣志宗初有名組者

封慶國公其六世孫旋吉為樞密副使旋吉五世孫

正博學篤行以家世宋臣矢不仕元御史程文海薦

之不起復與容城劉因同徵亦不赴隱居教授以慎

獨存心為要至治七年年九十卒門人私謚曰靖獻

先生宗秀父珪字廷玉景泰六年與弟璫瑜瑾復各

曾祖也出粟以賑詔授迪功郎兄弟四人賜宴光祿寺邑學

初建珪與同邑沈昇共任之後珪孫淞與沈肆皆鄉

試第一珪長子鏡字克明成化辛卯舉人陳留知縣

試第一珪長子鏡字克明成化辛卯舉人陳留知縣

次子鏐生而至孝珪患癰吮之而愈母李畏雷雷輒趨侍弘治中以貢知程鄉縣政務廉平獄訟皆立斷縣介山海多劇盜初至以恩信化之新學舍為諸生講藝勸農桑潛料鄉勇使演習一日出勦逋寇斬捕無遺遭母喪哀毀道卒

廣東通志有傳子淞

淞字文東號東濱弘治己酉鄉試第一明年登進士薦修大明會典成授儀制主事逆瑾用事倭使宋素卿賂瑾求入貢淞謂素卿本寧波人潛通外番以要中國漸不可長請誅之事遂寢瑾怒中淞他事下

獄明史稿素卿鄞縣朱氏子名編幼習歌唱倭使見而悅之編叔澄負其直因以編償至是充正使至蘇州澄與相見後事覺法當死劉瑾茫之並獲免尋得白陞祠祭員外主客郎中遷南光祿少卿舊例光祿瓶罌取諸酒家淞令以釀司餘糟易之丁母憂服除陞南鴻臚卿世宗入繼大統陳篤孝敬親儒舊隆日講廣言路振紀綱辨賢佞節財用清刑獄崇樸素擇守令十事進南光祿卿奏停歲釀十萬瓶歸其價於北寺以免轉輸煩費患痔再疏引疾歸卒年五十九賜祭葬著東濱集遠道稿子杲杲集集斐字元輔以貢中嘉靖辛卯順天



鄉試授大理司務裴子光宙字與嘗諸生有鉏餘稿  
靜志居詩話與嘗隱居郊園與宋旭初賜璫之璞君  
瑕輩一十八人結文酒之社晚夢一道士持陶靖節  
小像索題諦視即己也題云在晉為淵明躬耕辭五  
斗昔以節自持今惟義自守千載復歸來春風吹五  
柳曾識白蓮人遠公是吾友蓋十八人中有一人  
白蓮道人如本也翌日復作偈言投筆而逝集字元  
成嘉靖甲午順天舉人集子光岳廣信府學訓導光  
岳子卿胤以貢官烏蒙府通判年九十餘卒集次子  
光任建昌府通判

杰字元望號石涇正德癸酉舉人甲戌進士授武  
選主事轉車駕員外武庫郎中諫武廟南巡受杖癸

未陞分守荆南叅議丁父憂服除補山東叅議分守  
遼東庚寅陞廊延副使榆林告急援兵逗留率其屬  
禦之有斬獲功陞右叅政分守秦鳳涇原甲午遷江  
西按察使轉右布政未幾改廣東左布政安南不庭  
命毛伯溫督討杰偵得其國陰事謂可龍營服不煩用  
兵伯溫從之安南王莫登庸果上表請罪戊戌擢僉  
都御史墓志作副都巡撫湖廣世廟幸楚供億浩繁杰處  
分若素定入境時令除道人各持粟稽數求以待法  
駕未出河南燭盡御仗皆行昏黑中比入楚界然釋

為列炬皦如白晝上大嘉許

見陳繼儒聞見錄

隨奉章聖太

后梓宮南祔兼督山陵工疏留正供以為費又乞捐

所過郡邑田租俱報可

明世說新語杰巡撫湖廣世廟巡幸召見公見其偉貌脩

髯進退從容語近侍

曰陸都堂真大臣也修復江漢長隄即本官進工部

右侍郎兼副都奉敕督祔恩殿工顯陵校丁周鑑等

首許周廷玉王鳳巒等隱佔官地太監傅霖捕逮廷

玉等杰行縣廷玉等訴其事杰使承天府知事李翰

相捕之令叅議方遠宜鞠治在校丁齊儀李鳳等二

十人俱坐罪霖乃誣奏杰欲革莊田湖蕩房屋慢上

市恩杰與巡按御史陳豪亦劾霖諸不法事上以其  
驚擾陵寢大怒廷王鳳巒充軍遠宜奪俸翰相褫職  
杰引罪顯陵工竣賜金平鎮溪苗賊龍老格等請改  
四川九永守備陶戩福移鎮施州衛酉陽永順二司  
以採木相讐殺而保靖土司扇惑其間請勘處詔川  
湖撫按官會勘討平邵陽妖賊丁母憂被讒致仕巡  
按御史王應鍾薦起工部右侍郎卒於位諭賜祭葬  
贈本部尚書兩浙名賢  
鐫有傳有石涇集子先弼以蔭授前  
府都事終南左府經歷在前副榜太常典簿在廷蔭

刑部照磨歷都察院經歷南行太僕丞左遷潯州府  
通判在前子鏊

鏊字味道號廉石萬歷己酉鄉試第四名天啟乙  
丑進士授刑部江西司主事調都水歷員外郎郎中  
出為肇慶知府終廣東右布政弟鏊入籍華亭中天  
啟甲子應天舉人

杲字元晉號胥峯嘉靖丁酉魁順天鄉試辛丑成  
進士以刑部主事為漕運理刑與漕臣忤漕臣罷亦  
去官平湖陸氏支派繁而宣公之派尤大先是杰立

義田建世德祠敦敘堂養蒙室與族人共之果復置  
田八百畝歸景賢祠歲收其入以周貧乏謂之族田  
又置田五十畝歸世德祠畀宗子禴祀謂之祭田又  
置田二百畝以給族弟子講業稍廩謂之學田又以  
宗族更徭不支置田三百畝贍之謂之役田至今子  
孫猶蒙其澤某官不達而諸子皆顯卒年七十三光  
祖先祚光裕字與容嘉靖乙卯舉人見聞雜紀胥峯三子皆登科第  
所居對門其屠豕為業腥血淋漓胥峯厭之一日命家人砌塞店門阻其出入三子知之齊往其家再拜謝過易三百金屋先宅字與中隆慶庚午舉人游王  
送之別居乃已

畿之門建天心書院講學其中

經義考陸氏先宅尚書主說未見蔣方馨

曰雲臺陸氏有主說

先祖字與繩號五臺

兩浙名賢錄幼英敏八歲從其父游道遇客語安南事先

祖曰是必克以聖天子聲罪討小夷如振稿然嘉靖

寧煩再計客奇之曰是兒他日當以經濟顯者

丁酉年十七與父果同舉順天鄉試丁未登進士初

知濬縣秋潦傷稼撫臣以非時不報荒力爭之得蠲

租邑中大俠多通盜乃募壯士為義兵而置其名於

籍推心待之盜不敢竊癸曲周李邦珍反所過蹂躪

獨畏濬不敢入兵部尚書趙錦檄三輔民築邊牆先

祖具言不便狀謂必役內地民莫若令出錢與邊民  
雇役御史上其議報可人心乃安奸豪李榮陶仲文  
私人也先祖捕寘獄仲文祠邯鄲乞宥之不可卒論  
死安邱王奪民田封邱王遣蒼頭販私暴橫道路一  
裁以法邑人盧柁以事忤前令誣陷重辟滯獄中先  
祖白其寃御史言柁有富名恐為子玷先祖曰但當  
論其枉不枉不當論其富不富不枉夷齊無生理果  
枉陶朱無死法御史嗟嘆出之王世貞盧柁傳濬令  
其慕柁才高嘗語柁  
吾旦過若飲柁歸與翁媪市牛酒夜供張至旦會令  
有他事日昃不來柁愧且望之斗酒自勞報令至則



已醉卧徐徐出稱醉不能具賓主令恚去邑人惡柵  
者構之令益怒亡何柵干振其役夫得伏麥以為盜  
榜之役夫被酒自理聲強柵加榜焉旬日矣役夜壓  
於牆殞事聞令匿役夫所由死狀當柵抵坐獄上報  
可毋敢為稱寃者會鄉人問侍柵飲不遜目攝之來  
為獄吏夜縛柵篋者數百醫踵悉潰爛吏以化事去  
得不死乃感柵篋其數百醫踵悉潰爛吏以化事去  
廣頃之盜劫其家柵父自聖死燒其廬柵已壁立矣  
令亦悔陰寬之予酒肉飲食洗沐尋令去為大官事  
益懈陸光祖選濬令首為更爰書論鬼薪輸作三歲  
柵出獄為九行取宗人炳方用事引嫌乞南補南祠  
騷謝之云

祭主事署郎中考滿入京嚴嵩欲引為重不應給事

中吳時來劾嵩疑先祖與聞大計思中以考功法南

冢宰王用賓力爭得免以母憂歸服闋徐階柄政即

家起祠祭郎轉儀制階欲用嚴訥為吏部尚書訥固  
辭階曰為公擇良選郎相佐乃遷先祖驗封郎改考  
功王崇古張瀚方逢時王一鶚俱挂物議力雪之進  
文選建起廢之議諸老臣吳嶽胡松毛愷王庭等悉  
召用海瑞知淳安巡鹽御史袁淳阿鄆懋卿意論謫  
明世說新語鄆懋卿以鹽法都御史巡行郡縣所至  
叱咤風生懋卿妻從行為裝五絲輿令十二女子舁  
之令長以下皆膝行蒲伏比至淳安供張甚薄瑞復  
抗言縣小民貧不足容車馬懋卿怒甚知其不可辱  
斂威去見聞雜紀海公為學諭謁太守長擢為戶  
部主事御史劉陽以舉人起光祿少卿通判張澤以

貢生超遷雲南僉事典史薛乙以吏驟遷知縣曰柰  
何獨重進士科使他途不得表見已而劉堅卧不起  
張以死節聞海內服其鑒別之不爽南工部尚書缺  
光祖面推本部左侍郎朱衡往尋擢太常少卿提督  
四譯館御史孫丕揚追論光祖在部時以部僚擅朝  
廷之柄使九卿科道帖然聽命宜罷斥會大璫王本  
仁銜光祖乙丑大計黜其弟從中構之落職野獲編  
望且交懽旨揆徐華亭以此驕於公卿間陸太宰為  
選郎薄之即推南司空恨入骨髓其門人孫立亭論  
之陸遂削籍去孫後再躡再起為少宰家居陸出秉  
銓即起孫為總憲與同事孫感其恩盡捐前却訂莫

逆交人謂陸慣操權術以籠羣名流豈其然乎孫後  
正位銓席與張新建有違言去位張亦被蜚語繼歸  
仇隙至今不解人益家家居六年楊博還吏部起南太  
追服陸之善處怨家謀傾舊輔徐階賄賓客皆避匿  
僕少師明史稿高拱謀傾舊輔徐階賄賓客皆避匿

改南太常進正卿改北又轉大理卿進工部右侍郎

先祖初與內閣張居正同年友善居正在史局獨先

祖以公輔期之及柄用怙勢專恣先祖里居數貽書

規之至是遇居正於朝房部院卿寺俱屏息立語先

祖獨索坐西山日記坐良久江陵曰與繩自顧學進

蓋江陵方怒王司寇用汲幾至追杖故以此諷江陵  
意亦解徐曰兄寓去此幾何曰里許曰幸咫尺可朝

夕也平湖曰恨不遠耳江陵怒曰與繩欲分宜我耶

平湖曰世之側目公者何帝分宜人苦不自知耳

又調護御史劉臺甚力因改折事與居正辨居正大

恚語侵光祖先祖以誼折之辭益峻明鍾惺皇因嗾

南御史張一鯤論劾予告歸二年居正卒侍御事珥劉

戊潯州抵戍所不久暴卒與江陵卒日同宋史載洪

忠宣忤秦檜安置英州後徙袁州至南雍州卒是日

檜亦死兩起南兵部侍郎改吏部右侍郎轉左野獲

事正同起南兵部侍郎改吏部右侍郎轉左

天曾大司空省吾夷陵王少宰篆為江陵最厚密戚

迨追張氏始傾臨賊物狼籍萬狀然曾所至有聲績即

在相門未始傾臨賊物狼籍萬狀然曾所至有聲績即

方邱月林檉同張誠往楚籍沒時曾具方巾青袍入

謁於後堂邱與揖而送之王則囚首楚服口稱小的

言辭倭而卷二邱與張怒咎二十而遣之陸五臺不平

謂沈繼山曰天下亂矣那有少宰決鑿之理沈笑曰  
公善為之不然行且及矣時陸正為少宰也此雖戲  
言亦足為是時攻居正者叢起光祖無一語附和聞  
千古至戒者不快遷南工部尚書不就明史稿光祖  
悉引居正都濟濟李植江東之力求居正罪光祖言  
居正輔翼功不可泯與言路左植輩以丁此呂故攻  
尚書楊魏光祖附宗人炳得清華帝不問光祖出都  
訪總督張佳胤於密雲佳胤書抵京師盛稱光祖知  
兵御史楊有仁遂劾光祖受賂請屬魏力保持之事  
得寢光祖竟引越二年起南刑部尚書改南吏部論  
巨璫張鯨不法狀奉旨切責後鯨卒被斥庚寅召為  
刑部尚書辛卯進吏部尚書光祖為郎官日每以太  
祖罷中書

省設六部與唐宋之制不同今吏部職專用人而秩  
六百石以上事事稟承內閣如曹郎然非體也於是  
毅然以統均為己任進退悉由部定取上裁適首揆  
虛席莫為之梗始泣事即推浙江巡按御史蔡系周  
為副使陞河南叅政張養蒙為太僕卿而以丁此呂  
為海道王士性李盛春亦相繼內轉此數人皆嘗以  
事劾先祖者也壬辰大計外吏給事中李春開王遵  
訓何偉丁應泰御史劉汝康皆先為外吏有物議悉  
論黜之又舉許孚遠顧憲成等二十二人輿論翕然

稱焉

平湖志趙少宰用賢沈司馬思孝每廷論面辱

吾乃

為平湖所容思孝家居抗腕時政每嘆

曰持公議而不以愛憎奪者平湖一人而已

內閣申

時行請老密疏薦禮部尚書蘭溪趙志皋吏部侍郎

新建張位堪委任遂不由會推傳旨入閣先祖上疏

力爭上優答之已而會推閣臣廷臣循故事首先祖

名詔報曰卿前請廷推今首推固宜先祖不能容日

懷去志頃之以推用建言主事饒伸御史萬國欽中

旨斥選郎王教等因引咎乞宥司官不許遂力求去

詔馳驛歸在籍五年卒贈太子太保諡莊簡

明史有傳神



廟察光祖廉故簡任冢宰而中涓以請託不行嫉之  
遂不可留居位僅十月自光祖去乙未以後銓事察

典並壞羣議譁然不揚在位始更為封籤掣訣之法

而銓政愈壞託曰知錄于文定慎行言富平患中人請

一時以為至公而不知其非體也外官立為掣籤之法

宜資格高下各有所便地方繁簡各有短長各有所

近各有所準乃一付之於籤是掩鏡可以索光祖少

照而折衡可以坐揣也從古以來不聞此法

有大志嘗書以天下為己任語於座右簡牘小品莊

夜夢三神昇火器至前曰祝融將有所警公在簿其

罰語畢燄起公力懇曰第及三舍不旁延也翌日果

熱三楹嘗渡江遇疾風舟幾覆須臾若有晚節汲引

物曳舟者抵淺洲免焉自是遂戒牲庖

老成惟恐不及惟性佞佛在南刑部有僧攜佛牙至

先祖製金絲籠盛之副以紫檀龕供天戒寺中建講

堂禪寺不可勝紀西山日記新鄭欲甘心華亭以張

十紙先祖時以太僕居里扁舟迎佳屑謂曰新鄭有

念拂其意不過失官人品尚在也若巧為迎合雖有

殊擢終必受玷盡早計之佳屑曰訟牒子基忠字伯

貞任兵部司務遷刑部江西司員外歷郎中妖書事

起中禍於禮部侍郎郭正域株連所及人皆引避忠

獨周旋狴犴中東林同志錄有名基恕後軍都督府經歷遷

工部主事終都水郎中

見

聞雜紀五臺官南太僕少卿次子隨任以羊戕作褶紅

其裏或以告先生先生大怒當元旦次日召跪於庭  
剝其褶焚之仍欲加責同官力解得免東林同志  
錄稱其延僧十二人誦皇人基志字季高南詹事府  
護國經保佑楊左諸人無恙  
主簿創惠宗祠於景賢祠之後益置田以贍族孫  
任大理評事

光祚字與培出後於果弟際嘉靖癸卯魁順天鄉  
試以冒籍不許會試一科己未登進士二甲一名授  
兵部主事光祖秉銓引疾歸起補精膳員外轉祠祭  
郎中改儀制詔取光祿寺銀十萬疏止之宗祿不支  
請限服制開生業遷湖廣副使改督陝西學政卒於

官錄兩浙名賢子基誠平湖縣志字元卿太學生著易

諸書經義考陸氏基誠易元未見基誠子錫恩

錫恩字伯承萬曆戊子舉人乙未進士知萬安縣

三遭水旱上議改折從之轉南刑部主事丁憂起北

廣東司員外丙午典試雲南卒年四十二有雙鳬草

味水軒日記伯承作樓武林當湖山一曲最為幽勝

余區之曰倚醉伯承又自作三笑傳大抵皆感憤之言然文采湧溢情理條然子澄原從子清原

澄原字嗣端號芝房天啟甲子舉人乙丑進士釋

褐都水主事崇禎改元上正士習糾官邪安民生足

國用四事曰比來士氣漸降士節漸卑臺省庶僚不  
聞廷爭日以稱功頌德為事如厥臣魏忠賢服事先  
帝論功行賞自有常典何至寵逾開國爵列三等錦  
衣徧宗親京堂濫乳臭外廷奏疏不敢明書姓名盡  
廢君前臣名之禮至祝釐徧於海內奔走狂於域中  
譽之以臯夔尊之以周孔身為士大夫者首上建祠  
之疏以至市估儒集在在效尤士習衰靡莫此為甚  
即如大工敘功考永樂十八年北京宮殿成惟陞營  
繕郎中蔡信為工部右侍郎其木瓦匠頭金衍等止

授所丞而已今木匠夫頭俱為卿貳乘輿開棍反欲  
臺省諸臣引馬避路士大夫之戀位畏禍者亦甘心  
下之曾夫匠之不若矣又如欽差內臣總理庫藏不  
過稽查出入與其他部務無干乃體統相臨儼在堂  
官之上竟使戶工二部官羅拜堂下至如外鎮內臣  
其待方面有司之體更有甚於此者臣所謂正士習  
者此也糾官邪者言路之責近來言官緘默置奸佞  
於不問如兵部尚書崔呈秀貪橫無恥罄竹難盡即  
以奪情一事言之在先帝時猶可藉口曰大工未竟

也今大工竟矣尚竊據本兵意何為耶且從來九列  
未有兼官呈秀初以御史監工帶左都銜猶之可也  
今已進司馬矣尚不棄舊銜欲藉三台之威劫制言  
路且奪情之制原以墨縑視事況嘉宗抵皇帝在殯  
百官常朝猶素服而呈秀公然紅袍玉帶坐明轎入  
衙門安忍無親一至於此推其心又何事不可為夫  
天下有綱常而後朝廷有法紀三綱絕矣安望法紀  
之立乎臣所謂糾官邪者此也

崇禎日鈔順天巡撫  
單明調鈔沒逆奸崔

呈秀家資將現鈔銀七萬一千二百四十七兩金三百四十三兩解充軍餉其現封未開之滿及外州縣

莊田等項俱俟驗明造冊具奏御史吳再查呈秀在  
 京歲貯同順天府推官王鼎新封其宅拏崔鐸鞫問  
 鐸引至東側小屋內掘其房炕一間得銀一萬五千  
 五百兩又一間得銀一萬九千九百兩又搜客房箱  
 內玉犀金銀器皿及段疋衣服等項共三百四十箱  
 蓋呈秀回籍之後車載騾駝相錯於道所留遺在京  
 邸者何謂安民生則莫如慎刑罰祖宗設三法司專  
 止此刑獄凡流徒以上必覆審詳讞而後定罪蓋重之  
 也今立枷之法罪狀未明爰書未定而三四日內命  
 已斃矣借人輕刑置人必死豈先朝立法初意乎又  
 如設五城緝事衙門原為京師五方襟處姦究易生  
 欲以防奸之法止奸而因以止奸之法安民乃一經



廠衛捕捉株連靡竟其嚴刑酷拷有目不忍視口不  
忍言者更甚立枷之慘目今聖主當陽無幽不燭謂  
宜急照先朝舊制以緝事專責五城臣所謂安民生  
者此也至於國用告匱極矣大工興建以來百方搜  
括又以先帝陵工新開事例賣官鬻爵議助議捐大  
損國體括及胥役加派窮民更非長策語云省費不  
若省官今之勛蔭冒濫極矣因一殿工蔭及百執事  
邊一小勝賞及中朝籍金吾而佩銀黃者充街塞路  
此不甚費乎又如廠臣魏忠賢在先帝時士大夫獻

諛者倡生祠之說海內效尤在在創立其費不下百萬忠賢既以身許國何苦以有用之財糜之無用及今變賣尚可得數十萬金雖曾奉明旨云係先帝賜額者照舊遵行然以皇上轉圜啟臣謙讓不難幡然易慮也臣所謂足國用者此也得旨責其出位多言然是疏出劾崔魏者始紛紛矣明史稿曹于汭傳工部主事陸澄原劾于汭朋奸六罪崇禎日鈔元年四月大學士施鳳來薦陸澄原直言破黨是時東林皆起用而澄原尚居舊職乃上疏申辨畧言有市恩修怨舉劾失平者雖東林亦可謂小人不得以楊左為護

身之符有特立獨行恪共厥職者雖非東林亦不失  
為君子不得以崔魏為陷人之阱臣寧寡援孤立為  
硜硜之小人決不依草附木為疑似之君子旨雖謂  
其心蹟甚明僅遷虞衡員外監盔甲廠己巳京師戒  
嚴督造火藥違式降順天照磨崇禎日鈔二年御史  
廷元同里相親其論魏忠賢乃施牛耕玄叅澄原與劉  
鳳來欲出脫通內二字令其叅擊尋遷大理右寺副  
疏叅罪督袁崇煥明史稿成基命傳崇煥之議罪也  
却劾之工部主事陸澄原疏繼上基命奏張道濬以委  
謂臣嘗兩首廷推皆韓爌等欲藉以救崇煥當廷推  
時崇煥方倚任安知後日之敗乃預謀救之崇煥當廷推  
其說祖李逢申張道濬不逐臣不止乞放歸并及御

史王應斗毛九華毛羽健

崇禎日鈔羽健參調職方

員外未幾間住遂落職有芝房集

明詩綜王相介人多

師不遺偽體其論詩於合處見離於離處求合啟禎

間毅然以起衰為己任者而不知者寒氣唯陸職方嗣

端心賞之嘗訪君於長水值其洗研挾

南臺建弟濬

之登舟家人不知也

編游苕霅乃還

南臺建弟濬

原訟冤下獄

鄒漪明季遺聞弘光時楊維垣請重頒

案疏糾先祿少

鄉許譽卿譽卿上言當日諸臣以翊

戴光廟為正

今日諸臣以翊戴陛下為正俱從倫序

起見光宗母子

無間先帝身殉社稷何嫌何疑而小

人無端播弄假

手濬原先帝久任體仁養冠釀禍使

得生榮死寵竊

謚文忠陛下追削萬口稱快濬原滿

口誦其平章之功甚矣若輩之敢於黨奸欺上也

清原字嗣白號岫青崇禎癸酉舉人甲戌進士知

增城縣寬平練達鞠獄必霽顏察情使暢所欲言未嘗輕用鞭笞修邑志重葺學宮及鳳臺書院凡署舍城郭倉廩堤埒皆一新之旁邑盤古峒劇寇剽及三省上官檄同番禺令往勦清原曰此曹為飢寒所迫亡命自救臨以兵獸窮則攫姑緩之一日引數騎抵賊巢溫言慰諭咸投兵乞命按籍遣歸因創砲臺置巨砲其上墾屯田以食鄉兵攝龍門從化東莞諸邑篆專任撫字

增城人立祠祀之見廣東通志

十事授雲南道御史江南歲苦白糧之役應天巡撫

黃希憲請出米於民同解於官報可清原上言嘉湖  
與蘇同弊乞一體官解亦報可又條上安攘七議出  
按福建道經淮安疏言史可法兵單弱根本重地恐  
不支今援師雲集宜悉留淮上聽可法調用不報時  
獻賊已陷全楚躡及江右閩與江右連壤所在賊蜂  
起行部至漳州賊梁良率衆攻城清原計擒姦宄辛  
酉等斬之簡壯士七百人鼓而出獲其副李寅賊乃  
退或勸之上聞不應甲申燕京不守莊烈皇帝死社  
稷閩撫素失士心哭臨日士環而譁撫懼微服遯清

原屹立不動以大義責之譁者咸散按閩事竣上疏  
南臺願捐資募兵三千率先勦賊馬士英格之歸至  
錢唐聞金陵陷慟曰某不獲與倪范諸臣殉先帝者  
以奉簡書在外也今天下事無可為清原故閩吏惟  
還閩求死而已乃間道入閩監國令度嶺犒師馬士  
英擁衆竄越諸將訴其怙勢取敗奔亡誤國因不設  
犒士英遂激衆劫餉麾其將趙體元及清原墮三指  
幽禁舟中及沿江不守士卒宵遁體元擠之江年四  
十二在臺請名倪元璐陳子壯按閩請用劉宗周徐

石麒麟黃道周葉廷秀等皆先後殉節

夢韓字與文號丹崖銀曾孫嘉靖庚子順天舉人  
丙辰進士授都水主事歷職方員外廣東僉事降同  
州州同卒

錫明字幼輿號玉井曾祖樂杰伯仲行也錫明萬  
曆戊午舉人與鏊同登乙丑進士釋褐屯田主事陞  
虞衡員外出知常州府丁父憂服除補徽州府終江  
西提學副使嘗語僚佐曰守官如守身身失而得官  
如衾影何覲江南通志



溥字文博號靜菴父綱淳厚無競溥性端潔弘治中為華亭丞調豐城嘗督運夜過采石舟漏溥禱曰舟中有一錢非法願葬江魚腹禱畢漏止比曉視之有三魚蒙水草塞其罅焉子橋字元建號石居感父事終身不食魚次東字春波遷居仰上地名顧書堵築堂以三魚顏之今有裔孫隴其

燦字振玉號墨濤父瀝於溥為六世孫燦天啟丁卯舉人甲戌與清原同舉進士授濟南府推官釋殊死囚七人輕罪數十人丙子充山東同考太學生宋

王鉉兄弟坐盜久繫屢叩登聞不得白燦廉知真盜  
在厥獄因請覆鞫悉反其辭釋之戊寅十二月濟南  
被圍時巡撫顏繼祖方帥師保德州無見兵文臣相  
與櫻城而守明年正月城陷燦死之陸稼書先生年譜先生墨濤猶  
子也祖憲在濟南署同時死難先生  
奉伯考衣冠及封公葬祖墓之旁